

शीतला माता चालीसा

॥ दोहा ॥

जय जय माता शीतला,
तुमहिं धरै जो ध्यान।

होय विमल शीतल हृदय,
विकसै बुद्धी बल ज्ञान।

घट - घट वासी शीतला,
शीतल प्रभा तुम्हारा।

शीतल छड़यां में झुलई,
मड़यां पलना डार।

॥ चौपाई ॥

जय-जय- जय श्री शीतला भवानी।
जय जग जननि सकल गुणखानी।

गृह -गृह शक्ति तुम्हारी राजिता।
पूरण शरदचंद्र समसाजिता।

विस्फोटक से जलत शरीरा,
शीतल करत हरत सब पीड़ा।

मात शीतला तव शुभनामा।
सबके गाढे आवहिं कामा।

शोकहरी शंकरि भवानी।
बाल-प्राणक्षरी मुख दानी।

शुचि मार्जनी कलश करराजै।
मस्तक तेज सूर्य समराजै।

चौसठ योगिन संग में गावैं ।
वीणा ताल मृदंग बजावै।

नृत्य नाथ भैरों दिखलावैं।
सहज शेष शिव पार ना पावैं।

धन्य धन्य धात्री महारानी।
सुरनर मुनि तब सुयश बखानी।

ज्वाला रूप महा बलकारी।
दैत्य एक विस्फोटक भारी।

शीतला माता चालीसा

॥ चौपाई ॥

घर घर प्रविशत कोई न रक्षत।
रोग रूप धरी बालक भक्षत।

हाहाकार मच्यो जगभारी।
सक्यो न जब संकट टारी।

तब मैय्या धरि अद्भुत रूपा।
कर में लिये मार्जनी सूपा।

विस्फोटकहिं पकड़ि कर लीन्हो।
मूसल प्रमाण बहुविधि कीन्हो।

बहुत प्रकार वह विनती कीन्हा।
मैय्या नहीं भल मैं कछु कीन्हा।

अबनहिं मातु काहुगृह जइहौं।
जहँ अपवित्र वही घर रहि हो।

भभकत तन शीतल भय जइहौं ।
विस्फोटक भय घोर नसइहौं ।

श्री शीतलहिं भजे कल्याणा।
वचन सत्य भाषे भगवाना।

विस्फोटक भय जिहि गृह भाई।
भजे देवि कहँ यही उपाई।

कलश शीतलाका सजवावै।
द्विज से विधीवत पाठ करावै।

तुम्हीं शीतला, जगकी माता।
तुम्हीं पिता जग की सुखदाता।

तुम्हीं जगद्धात्री सुखसेवी।
नमो नमामी शीतले देवी।

नमो सुखकरणी दुःखहरणी।
नमो- नमो जगतारणि धरणी।

नमो नमो त्रलोक्य वंदिनी ।
दुखदारिद्रक निकंदिनी।

श्री शीतला , शेड़ला, महला।
रुणलीहणनी मातृ मंदला।

हो तुम दिगम्बर तनुधारी।
शोभित पंचनाम असवारी।

रासभ, खर , बैसाख सुनंदन।
गर्दभ दुर्वाकंद निकंदन।

सुमिरत संग शीतला माई,
जाही सकल सुख दूर पराई।

शीतला माता चालीसा

॥ चौपाई ॥

गलका, गलगन्डादि जुहोई।
ताकर मंत्र न औषधि कोई।

अब विलंब में तोहि पुकारत।
मातृ कृपा कौ बाट निहारत।

एक मातृ जी का आराधन।
और नहिं कोई है साधन।

पड़ा द्वार सब आस लगाई।
अब सुधि लेत शीतला माई।

निश्चय मातृ शरण जो आवै।
निर्भय मन इच्छित फल पावै।

कोठी,
निर्मल काया धारै।
अंधा, दृग निज दृष्टि निहारै।

बंध्या नारी पुत्र को पावै।
जन्म दरिद्र धनी होइ जावै।

मातृ शीतला के गुण गावत।
लखा मूक को छंद बनावत।

यामे कोई करै जनि शंका।
जग मे मैया का ही डंका।

भगत 'कमल' प्रभुदासा।
तट प्रयाग से पूरब पासा।

ग्राम तिवारी पूर मम बासा।
ककरा गंगा तट दुर्वासा।

STARZ SPEAK

शीतला माता चालीसा

॥ दोहा ॥

यह चालीसा शीतला
पाठ करे जो कोया।

सपनें दुख व्यापे नही
नित सब मंगल होया।

बुझे सहस्र विक्रमी शुक्ल
भाल भल किंतू।

जग जननी का ये चरित
रचित भक्ति रस बितू।

॥ इति श्री शीतला चालीसा ॥